



ル 5  
3667  
8










新編時田  
新編時田  
新編時田







校刻綏服紀畧圖詩序

吏部文選司員外郎程振甲撰

四部之外有六盟六盟之外有俄羅斯於中國古無  
聞其地形陝輸以長東抵羅刹西迤幕北望海若不  
及焉康熙二十九年喀爾喀舉境內附俄羅斯始通  
貢使遣人入都肄國書矣其壤與喀爾喀相連爰  
命重臣申畫疆界定互市之地設卡倫五十九所綏  
之來之迄今垂百餘年疆臣之經理其地者類皆畱

綏服紀畧圖詩

序



意撫循於山川能說登高能賦之旨未遑也我 湘  
浦先生起而修之於伊犁已有成書於俄羅斯復得  
八十一韻允文允武淵乎懿哉是詩之行也將見習  
國書者人寫一本進之汗其汗徵言於國之黃髮曰  
中國有

大聖人曷往歸之中國之賢侯大夫美政事能文章曷往  
左右之夫乃知風人之旨與仁人之言感人深也又  
豈區區爲掌故計哉

### 綏服紀畧圖序

稽古史鑑漢唐以來每多邊患非疲於西北卽  
弊於西南駕馭鮮有長策惟我

聖朝克明峻德疆理天下五服制矣統御八荒遠夷  
綏矣且以古所未聞之俄羅斯俾之習

國書而曉禮義開市易而歸約束是皆

### 廟謨神武

德洋恩溥所致也余旣作西招紀行圖緣述北漠庫

綏服紀畧圖詩

序

一



倫所事而兼采西南沿邊見聞復得八十有一  
韻名之曰綏服紀畧圖詩是紀也間有身所未  
歷者不無缺畧姑書之便於觀省以俟知者補  
輯云

嘉慶元年冬至月湘浦松筠自識

綏服紀畧圖詩

松筠湘浦著

程振甲也園校刊

聖朝廣峻德安安治無爲萬邦久協和要服俄羅斯

從古無稽攷緣隔內外旗俄羅斯者北海徼外之國我聖朝明德而廣德雖草木昆蟲均沾澤潤故俄羅斯一部因其俗尚而羈縻之莫不畏威懷德誠古所未有者也考之史鑑俄羅斯從無所載蓋有內外旗蒙古之隔是以從未與中國相通耳內旗者科爾沁等四十九旗札薩克王公是也外旗者喀爾喀七旗札薩克王公是也外旗本居內旗之外其俄羅斯更居外旗之外康熙二十七年喀爾喀全部內附之後俄羅斯始通中國內

綏服紀畧圖詩



札薩克四十九旗本元世後裔共有六盟游牧均屬聯絡其極東界連盛京吉林之科爾沁札賚特等十旗謂之哲哩木盟迤西有喀喇沁土默特等五旗謂之卓索圖盟此盟游牧南與山海關外之老邊九關臺及關內之喜峯口一帶連界西與熱河圍場東崖口一帶連界又圍場東北一帶謂之招烏達盟迤西轉南與直隸張家口外察哈爾八旗蒙古游牧連界之烏竹木親霍齊特阿巴噶那爾宿尼特等十旗謂之錫林果勒盟又西南與山西歸化城土默特八旗蒙古連界之四子部落烏喇特甘明安等六旗謂之烏蘭察布盟又西南與陝甘連界之鄂爾多斯七旗謂之伊克招盟此即河套西通寧夏者也近寧夏有阿克善厄魯特親王一其游牧遙通青海至外旗喀爾喀亦元世

綏服紀畧圖詩

後裔相傳兄弟七人分住大漠謂之七旗國朝定制以一札薩克為一旗今喀爾喀四部共有八十札薩克是為八十旗其游牧在阿拉善迤北與北路科布多邊地相近者係札薩克圖汗部迤東係三音諾彥部又東係土謝圖汗部又東係車臣汗部自此南與錫林果勒盟游牧交界東與黑龍江將軍所屬呼倫貝爾索倫達呼爾等連界凡六盟四部均有國朝中外一家副盟長咸歸典屬統制若非國朝中外一家俄羅斯何以得通中國余意元代史策既書有烏斯藏而不及俄羅斯者蓋因其素不奉佛俗尚不同且未經綏服而不之書耳伊昔平羅父何曾費偏師傳檄使霍蘭片紙定荒夷黑龍江索倫土語以俄羅斯呼為羅義黑龍江北與羅義交界康熙二十九年有羅義犯界時



副都統薩布素奉命率兵進剿奪其  
雅克薩城羅義遂遁仍復出沒無常屢經典屬  
奉命羅義遂俄國使臣久無回信會近俄  
羅斯之西洋欽奉國使臣久無回信會近俄  
斯情係兵部且欽奉國使臣久無回信會近俄  
汗本係婦人且巢穴距邊地遙遠其邊界人等  
如何構衅必不阻情數次所發檄諭必係伊等  
守邊頭目畏罪阻隔是以久無轉發俄將始末  
繕寫檄諭交霍蘭使臣帶回轉發俄將始末  
來文以羅界人犯界之事本不得知奉到檄業  
經約束邊界人等永滋事矣是役也一由霍  
蘭發檄而永靖邊疆實賴  
鑒萬里之外余向駐庫倫悉舊事緣黑龍江  
界外所居之俄羅斯多係彼之遣犯往昔與索  
倫構衅不過遣犯等爭打貂皮所致實非有  
犯邊益見當日

守邊者遇事必應詳其起衅根由酌量情形論  
以利害妥為安戢辦理自不致釀成大事余現  
駐西招憶及此不勝凜然自勉或問何以安戢  
余曰無微不至自乾隆治我  
教誠無微不至自乾隆治我  
犁而回部盡降不招致而歸順者尤多凡絕徼  
荒夷無不恭順可期萬載相安者也即有意外  
之虞無非一朝之忿其意固無所為司事者惟  
有仰承聖訓先為查詢起衅端由或境內  
兵役仗勢欺凌或守邊官吏藉端勒索一經得  
實一面即行具奏請以不法之兵役官吏按例  
懲治一面發檄慰諭飭責其不應如是則其驟  
然而起者必渙然而退並令獻其倡議者繩之  
以法則立時安戢耳若果無勒索又非欺凌或  
如唐之僕固懷恩唆使吐番回紇者惟開其  
愚惑諭之以理訪其唆使正之以義庶可易於  
綏服

綏服紀畧圖詩



基鄂博	旨前往會同俄羅斯勘定疆界並設卡倫	一諱特古忒欽派尚書等大臣三員一諱察畢那	年互相私越而於邊貿易者亦便約束雍正五年	定例北海畫疆陸連喀爾喀應與之定界以杜	永為字話繕寫馳遞庶有印證以免舛誤至今	西洋曉文後換回遇事即以清文兼俄羅斯及	通書不滋事復申請遣人進京學習國書俟	國書時俄羅斯既已遵奉檄文約束其邊界人等	訓煌煌教誨諄諄是在遵循罔斁耳綏服習	邊地蠻夷盡可安享昇平矣	家統制者修身而官吏兵役無不是則是倣則	寧人息事我聖皇嘗謂安邊之策若處一
-----	------------------	---------------------	---------------------	--------------------	--------------------	--------------------	-------------------	---------------------	-------------------	-------------	--------------------	------------------

綏服紀畧圖詩	兵戍守迤西之卡倫四十有七以喀爾喀四部	屬下蒙古按其游牧遠近每卡倫安設章京一	員率領兵丁皆令攜眷戍守其對面俄羅斯亦	一體安設所有鄂博薩布石堆無可堆石即削大樹鑄記為基時庫	薩布石堆無可堆石即削大樹鑄記為基時庫	間有叢林無可堆石即削大樹鑄記為基時庫	倫尚未派駐大臣凡此卡倫俱著辦理夷務之	喀爾喀王諱丹津多爾濟者統轄所有卡倫官	兵應需牛馬羊隻皆由酌規以平治定議條規	本旗札薩克屬下攤供酌規以平治定議條規	喀俄羅斯屬下人等沿邊互相偷盜者皆繩以	法而卡倫處所倘有被盜馬匹者即令事主呈	報該卡倫照所交與對面卡倫按限嚴緝拏獲	審明罰賠治罪如不能拏獲即於不能嚴緝之	該卡倫追賠治罪如不能拏獲即於不能嚴緝之	圖貿易兩無權稅等款共十一則刊刻刷印頒
--------	--------------------	--------------------	--------------------	----------------------------	--------------------	--------------------	--------------------	--------------------	--------------------	--------------------	--------------------	--------------------	--------------------	--------------------	---------------------	--------------------



行自是喀爾喀俄羅斯沿邊人衆咸知約束一  
 聽規治俄羅難有辦事公解名曰薩那或由其哈  
 屯許係婦人礙難出名具稟遇有事件即由薩  
 那忒申文直達理藩院奏請定奪永爲定制  
 市開恰克圖地名經理設專司先定所時疆界既  
 明因卽附近相度有恰克圖地處適中雍正七  
 年奉旨著於該處設立市集並派理藩  
 院司員三年一換駐劄總理由是俄羅斯咸歸  
 恰克圖貿易矣迤東卡倫二十九卡倫係土謝圖  
 汗車臣汗兩部所設迤西十九卡倫係札薩克  
 圖汗三音諾彥兩部所設是恰克圖爲四部卡  
 倫適中通衢山勢雄峻林木森然貿易商民建  
 立木城起蓋房屋費力無多頗爲堅固對面俄  
 羅斯建有市圈其貿易商民頻獲利中外示同規  
 易商夷亦皆恭順

蓋外國人初同內地民人於市集交易一切惟  
 恐見笑故其辭色似少遜順恰克圖司員論  
 以中外一家之道俄羅斯歡欣感激信睦尤著  
 所有恰克圖貿易商民皆晉省人由張家口販  
 運煙茶緞布雜貨前往易換各色皮張毡夷性  
 片等物初立時商民俗尚儉樸故多獲利夷以  
 貴大黃濟衆最爲奇解俄羅斯多食魚須大黃以  
 買散給屬下官賣濟衆恰克圖販賣大黃者獨  
 有一家係西寧回民俄羅斯收買大黃非此處其  
 此弗能售也然俄羅斯收買大黃者蓋大黃  
 部通西洋西人亦常有販往售賣者蓋大黃  
 雖爲草葯其濟衆實無涯也元耶律楚材嘗收  
 大黃以治蒙古瘟疫是口外蒙古亦宜大黃余  
 駐庫倫時曾以大黃搗爲細末浸以黃米酒蒸  
 晒爲丸醫治瘟疫天花無不立效蓋大漠蒙古  
 綏服紀畧圖詩



屬下人不食米穀僅以牛羊酥乳為食其臟腑  
火盛故宜服之至西南回疆安集延等處食者  
雖少而多用以染色是大  
黃固為邊地必需之物也

欽差設壬午 乾隆二十七年始有  
差大臣駐劄庫倫辦理夷務 欽

救命總操持 先是庫倫所屬邊卡戍守年久凋散於  
乾隆二十二年有前辦夷務喀爾喀丹

王之孫諱桑齋多圖濟者遵 旨統理因竭  
力整頓安設卡倫始克完善迨後夷務繁多始

駐一切仰遵 欽差大臣同桑王總理其事 甲申年  
一 戊戌年 聖訓自是永為定例 甲申年

戊戌年 又閉關

申約法寬猛化無知 乾隆二十九年因附近卡倫之  
喀爾喀俄羅斯互有遺失馬匹

數至逾千無憑稽查而俄羅斯以少報多殊為  
狡猾奉 諭旨嚴行申飭遂閉恰克圖不與  
市易俄羅事概無庸議懇乞開關交易時 欽  
馬匹舊倫辦事大 臣諱慶桂同喀喇沁貝子諱  
差庫倫者凜遵 訓旨會議章程復以俄羅  
圖靈阿者凜遵 奏得蒙 聖恩俯准市易如  
斯恭順緣由入 奏三年恰克圖俄羅斯有應會  
舊後於乾隆四十四年會辦經庫倫辦事大  
審夷犯該頭目並不即時會辦請暫停市易未  
臣諱索林者一面閉關一面奏請暫停市易未  
免過於急迫奉 諭旨往率同土謝圖汗諱徹登博  
清額奉 命馳往率同土謝圖汗諱徹登博  
爾濟者悉心查辦俄羅事同土謝圖汗諱徹登博  
市易於四十五年奉 旨准其仍前交易此  
先後兩次閉關之事仰賴 聖明 明罰示雷  
指示寬猛並濟故俄羅斯咸知感畏 六

綏服紀畧圖詩



電致刑警愚癡固畢納托頑咭那喇爾推乾隆甲辰  
庫倫有商民斬明者販貨赴近卡倫之烏梁海  
游牧貿易被俄羅斯所屬之布哩雅特等數人  
劫去貨物是應明法示懲者時庫倫辦事大臣  
諱勒保同喀爾喀副將軍郡王諱蘊敦多爾濟  
盟長貝子諱遜都布多爾濟者三人共理其事  
設法訪知盜首姓名奏請檄行俄羅斯駐劄  
額爾口城之固畢納托爾拉木巴飭令捕盜會  
審旋即弋獲烏拉爾齋數犯遣其咭那喇爾送  
赴恰克圖同該處駐劄司員審明遂將照例罰  
賠之十倍貨物如數呈繳正宜將賊犯明法示  
衆乃其咭那喇爾人本糊塗意以呈出罰賠貨  
物事已完結遂將數犯鞭笞其鼻耳發遣伊  
境東北無人處所並未詳細知會恰克圖司員  
其辦理殊屬率謬庫倫大臣發檄詢之固畢納

托爾拉木巴復愚頑無知一如咭那喇爾推誘  
竟以結案為辭因奉諭旨著典屬行文與  
薩那忒飭令換回其固畢納托爾等秉公治罪  
乃薩那忒於五十年春申文亦僅希冀了事理  
藩院奉旨發檄責飭旋撤恰克圖貿易固  
畢納托爾乃其守邊大頭目咭那喇爾乃其管  
兵頭時我啣人  
甲辰冬余奉命之日乃蒙使吉林查辦參務於乙巳春  
旋京復命之

恩命

甲辰冬余奉命之日乃蒙使吉林查辦參務於乙巳春  
旋京復命之

諄訓

諄訓誠偏私荷蒙聖訓諄諄以邊務宜示大公  
反復開導俾荒夷畏威懷德方為盡善

綏服紀畧圖詩

同辦理諭令俄羅斯悔過自省閉關禁私販勿



使吾民疲閉關後例應嚴禁私販而卡倫兵役以及沿邊蒙古必需之煙茶布疋自  
宜酌辦不使乏用因遵旨查其人戶多寡  
擬定章程凡卡倫官兵所需者行令各該旗兩  
月一送卡倫官兵各打牲所需者令商民領  
給該旗歸還商民沿邊蒙古所需者令商民領  
票前往發賣不致乏用並飭令各旗札薩克雷  
心查察不使商民潛出卡倫與俄羅斯私行買  
易至大黃一項庫倫所屬蒙古僧俗內間或存  
有十餘觔者止為染色而用其商販僅有回民  
一家况頗知大體屢荷恩賞殊為感激守  
法故庫倫所屬地方毋庸查禁大黃時新疆烏  
什辦事大臣以查禁私販情形奏入奉旨  
嚴加責飭並著告示曉諭安慰回眾復通行各  
處不可因噎廢食仰見聖明天語無釋惑  
微不至彼時新疆一帶被

思無措知過悔難追遣徒悠然逝遺案生旁支  
俄羅斯因撤貿易實知悔過將其債事之固畢  
納托爾拉木巴撤回另派安人駐劄額爾口遍  
覓遣犯烏拉爾齋並無踪跡屢行申文懇求均  
經典屬遵旨駁飭迨已酉秋有衛勒干卡  
倫巡兵齊巴克等出卡踣踪忽遇俄羅斯打牲  
之哈哩雅特數人查問來歷哈哩雅特恐被捕  
捉遂放鳥鎗以致齊巴克受傷斃命此舊事檄  
未了復生旁支矣然亦可謂了事之機耳  
飭嚴網羅應捕獲參差縛獻以行強救法仗節

糜心急煩

睿慮悔過寫箴詩

所有鎗斃齊巴克一案因不知凶首姓名即時具奏遂發檄諭以

綏服紀畧圖詩



緝捕之方其新固畢納托爾人頗恭謹奉到檄  
文卽於境內竭力嚴緝至次年春將行強之正  
犯二名從犯一名先後拏獲縛送恰克圖會審  
聲請舊犯烏拉爾齋已無踪跡懇將現獲之犯  
示衆辦理並完舊案因卽繕摺具奏遂赴恰  
克圖督令司員等審明卽於界所將正犯二名  
先後處死示衆其從犯一名重責發遣奏請  
以結新舊之案彼時余欠歷練過於性急以邊  
疆重案未經先行請旨擅自辦理殊屬錯  
謬實有應得之咎乃蒙 慈恩曲宥降畱仍  
舊辦事時感激涕零曾作箴詩自警至今憶  
及不勝凜然自勉因復書之更誠將來也  
風

廟謨誠

神武檄詢意何居

時俄羅斯乞 恩貿易文書將

扈特喇嘛薩麻林者風言俄羅斯有陰謀不軌  
之信因解京審訊無憑余遵 旨於恰克圖  
詢訪情形俄羅斯仍前恭順實無可疑謹將各  
緣由 奏入我 聖皇睿慮周詳遂 敕  
典屬以俄羅斯現在懇求貿易果如薩麻林所  
言未曉其意何居究係有無之事檄詢俄羅斯  
令其卽行明白稟覆仰見 聖謨神 夷酋咸  
武正大光明實非臣下之所能及也  
恐怖頻來具婉詞 俄 羅斯奉到檄文無不驚駭  
守法况正在懇來市易又何敢另有陰謀情詞  
甚屬可信蓋因哈薩克慣造僞言而喇嘛薩麻  
林適因迷路至彼復入俄羅斯界乃還其或聽  
信哈薩克謠言抑或故爲是言駭衆以圖免其

綏服紀畧圖詩



私出卡倫之罪均未可定旋據俄羅斯薩那忒  
稟覆伊等實無其事並查詢各處亦無見有薩  
麻林者竟係妄造謠言仍乞轉奏 大皇帝  
施恩等情具奏奉 旨復提薩麻林根詢時  
孽僧驚懼氣僅一息奉 旨即行正法噫若  
非 聖明敕令檄詢何以折風言而釋眾疑  
耶似我守土 者尤宜欽佩

字小沛恩膏

辛亥年冬月奉 旨著典屬檄行俄

誠心恭順我 樂天字小故有是檄 聖皇

綏遠授機宜

欽奉 訓旨此次開關市易必須詳  
查情形妥為定擬章程明白曉諭俾俄  
羅斯永遠遵奉方為盡善余凜遵 訓旨酌  
擬規條 奏請檄調固畢納托爾訂期會議

檄至羣夷舞聞命駛車馳舊章垂常制新載釋

無遺 閉關既久俄羅斯不得貿易殊為拮据一

托爾遂由額爾口城以馬駕車飛馳前來聽命

副都統諱普福已抵庫倫同余與遜貝子於壬

子孟春遵 旨赴恰克圖既到之日固畢納

托爾遣人致意次日親來謁見其名曰色勒裴

持人頗恭謹因即遵 旨諭以前此烏拉爾

齋一案爾從前之固畢納托爾及哈那喇爾等  
辦理實屬錯謬嗣後爾邊界頭目如遇會辦事  
件自應照例急速完結不可仍前慢緩以致追  
悔無及據稱從前之固畢納托爾等均已撤回  
另換我等前來一切敬聽指示遵行斷不敢再  
有推諉情詞誠懇遂欽遵 聖明指示所有

綏服紀畧圖詩



則例內開一切仍前遵照至命案一則嗣後邊地設有犯者無論喀爾喀俄羅斯各宜按限緝獲送恰克圖會審明確各照本例正法後彼此文移知會於犯事處所明白曉示其沿邊一帶應剴切曉諭以禁盜竊兩相仍前和睦勿致滋事所有恰克圖貿易漢夷商販彼此嚴行約束不使互有積欠以致口角生非各欸一一曉諭固畢納托爾惟命是從因即立約互相收執永為定例

頂感申葵向陳情指額眉  
公事既畢遂遵行

主仁育義正之至意固畢納托爾深知感畏以手加額曰大皇帝是天且頻以指扣眉緣其俗不習跪叩之儀以指扣眉即如跪叩其葵向頂感之誠形於辭色

天克遵禮宥過宜撫綏欵宴推誠信減從示無疑

羅俄

斯既知感畏宜遵訓旨示以撫綏因設宴欵待彼歡欣感激曰向來會辦事件俱於界所安設毡廬會議事畢即各回寓今蒙大皇帝天恩諸事協和故我日前親來市圈衙門會議以申感激之誠今蒙如此欵待深為感激欲請大人下臨俾我稍申誠悃因許之彼尤懽感無似蓋看待外夷不可與之戲笑如其不知不曉者應正色緩言以諭之不使慚愧不宜露有慢色言動惟誠惟和所謂忠信篤敬是也固畢納托爾初來謁見帶兵三百餘名似有疑懼既見我等言動誠信及再至已減隨從而辭色更形依戀是日我三人過彼僅以辦事司員及蒙古台吉等隨迎車脫帽裹由恰克圖市圈至彼往示以不疑

預派小頭人步行擺對遠迎時孟春雪大天寒殊甚人皆大帽重裘其俗見其汗時皆脫帽去

綏服紀畧圖詩

十一



裘乃爲至敬此次固畢納托爾脫帽去裘先於  
門外迎立益見其感激 皇仁倍深誠敬  
屏像設觴卮 其室內北壁上懸其哈屯汗圖像  
服飾一如西洋固畢納托爾聲稱  
今 大皇帝欽差大人如此光臨故屏像設  
席以表外國敬意因即背靠圖像上坐固畢納  
托爾陪司員等旁坐 殷勤奉饌食起敬舞綵嬉  
其言動甚爲遜順 殷勤奉饌食起敬舞綵嬉  
其地果品茶蔬皆類西洋固畢納托爾一獻  
畢親捧觴卮敬葡萄酒遂作樂令歌舞以申仰  
慕之意並述伊係邊外夷人嗣後如有事件諸  
乞先爲明白指示以便遵行不敢稍有違悞因  
優賞樂舞 既奉  
嘉其恭謹

恩綸日重開孟夏時 因據情列欸具奏奉 旨以  
俄羅斯咸遵約束誠多恭順即

著擇吉開關遂於孟 遐邇同一視內外兩無欺  
夏望日通商市易 旨勿使內外商販互有欺詐  
時西招因邊務辦理善後我 聖皇憶及怡  
克圖貿易降 旨起衅端因卽擬 訓商如訓農誠格風教維  
定禁欸出示曉諭 圖商販從前服食多奢侈淫佚太過者自然爲  
造物所忌閉關八年前之不安本分者盡至困  
苦是亦 上天垂教示懲之意因諭商民回  
思舊習痛加改悔示以所禁之條心各悅服總  
之官買皮張均按時價而自上率以樸素則風  
俗漸歸淳厚其間或有頑民驟難化導誠以格  
之不過初費唇舌久則懷德自樹閒事無由而  
生似此化導夷商自可寧人息事至沿邊各旗  
札薩克游牧往往有商民以值數錢銀之磚茶  
賒與蒙古一年償還指不收取必欲按年增利

綏服紀畧圖詩



年復一年索其大馬收之此弊不但有關蒙古  
生計而貪饕如此竟有被蒙古憤恨致斃者雖  
有國法懲究何能壓服蒙古因定以一本一  
利通飭遵行如此則邊氓無重利之害而恰克  
圖商民自知警誠亦不敢愚弄夷商致生憤恨  
中孚行行化噬嗑處處

頤安邊宜自治時凜

訓緝熙

俄羅斯雖屬荒夷其爲人也頗知信睦從前  
恰克圖市圍夜火俄羅斯市圍頭人聞知遣  
兵役前救立時撲滅是皆 聖德聖化所致  
也總之仰承 訓示遇事即開誠布公導以  
信義我之檄諭言詞不可激切以示易從倘有  
應緝盜犯務須教以密捕之方稍寬期限自無  
不欣感踴躍實力捕獲請以會辦者蓋誠格之  
道庶易於明罰敕法耳至沿邊卡倫戍守兵役

尤應不時教諭而聯屬之每年冬春應查其四  
畜有無被災或有被雪過大成災者應令該旗  
札薩克酌量賑濟或因路遠該旗接濟生畜一  
時未到應令雪大之卡倫兵役暫行內移雪小  
之地就食於該地方札薩克雪化後接濟到時  
再令歸汎以免凍餒逃亡如此聯屬則衆心感  
悅一有訓飭無 憶昔駐庫倫游牧地無垠 余於  
不惟命是從 年辦理恰克圖交易事畢即奉 命回京今  
駐西招憶及在彼八年所事及公餘游山畧地  
所歷各處形勢如在目前所謂庫倫者蒙古語  
城圈也該處有喇嘛木柵如城故名庫倫居士  
謝圖汗部其游 汗山巍矣高背帶圖拉津 庫倫  
牧最爲寬闊 餘里有汗山綿亘高聳茂林如畫春秋祭祀禁  
止樵採山北帶河曰圖拉源出庫倫東北肯特

綏服紀畧圖詩



衣山是水曲折流二千餘里北入色楞格河由  
恰克圖西側入俄羅斯之拜噶勒淖爾復東南  
流統歸黑龍鎮兩愛瑪克部落蒙古語謂愛瑪克撫一哲  
江入東海  
布尊庫倫欽差管理土謝圖汗車臣汗兩  
部事務總管恰克圖貿易定例每年秋間  
輪調兩部兵數百名就近圍獵習勞至四十七  
座卡倫事務其恰克圖迤東二十八卡倫土謝  
圖汗車臣汗兩部各管十四每部派有專管卡  
倫札薩克各一員又派有總管兩部卡倫之札  
薩克一員恰克圖迤西十九卡倫三音諾彥部  
所管者十二又西之七座係札薩克圖汗部分  
管其所派專管總管之札薩克一如東兩部庫  
倫大臣統理其事並撫馭哲布尊丹巴胡士克  
圖振興黃教其札薩克圖汗三音諾彥兩部事  
務隸烏里雅蘇台將軍統轄烏里雅蘇台在庫

倫迤西約千數百里庫倫地在京都正北偏西  
由京出張家口向西北走軍台三十站轉東北  
行十四站至庫倫距京約有四千餘里由庫  
倫北行十一站至恰克圖約有八百餘里  
部咸欽奉初心誠抱眞喀爾喀四部共有八十  
札薩克凡一札薩克謂  
之一旗每旗屬下有佐領多寡不一多者十數  
少者一二尚有人戶甚少不足一佐領者其每  
佐領一如內札薩克之制各百五十戶其戶口  
及喇嘛人數四部盟長每五年一次各於本部  
會盟造冊呈報理藩院題本存查皆如內札  
薩克六盟今生齒日蕃計四部戶口約有十數  
萬無不遵崇黃教欽敬哲布尊丹巴胡士克圖  
者先是準噶爾厄魯特最爲強悍與喀爾喀讐  
殺不已康熙二十七年喀爾喀力微不能抵敵  
衆議就近投入俄羅斯爲便因請決於哲布尊  
綏服紀畧圖詩



丹巴胡土克圖時胡土克圖曰我輩受天  
朝慈恩最重若因避兵投入俄羅斯而俄羅斯  
素不奉佛俗尚不同視我輩異言異服殊非久  
安之計莫若攜全部內徙誠投大皇帝  
可邀萬年之福眾欣然羅拜土謝圖汗遂請胡  
土克圖率眾內附荷蒙聖恩於張家口  
外多倫淖爾旁之達蘭淖爾游牧安插養其  
車臣汗札薩克圖汗等陸續來歸同土謝圖汗  
等錫爵賜印封建札薩克有差後大兵  
進勦準噶爾賊酋噶勒丹走死自是喀爾喀游  
牧奠安於康熙三十九年奉恩旨派大  
臣分起送歸各札薩克安居故土實由國朝  
再造後乾隆丙子丁丑數年間我聖皇廟  
謨神斷將準部凶逆盡行勦除喀爾喀乃得永  
免心腹之患是以世代啣感大德實曠古  
所未聞未有者也其哲布尊丹巴胡土克圖初

心合於眾志以邀萬年之福何其明哲而善斷  
耶余在庫倫時有頭等台吉格齋多爾濟者係  
固倫額駙敦多布多爾濟之孫年近八十廣記  
故事哲布尊丹巴胡土克圖立意投誠一節乃  
聞諸格齋台吉所述其胡土克圖為喀爾  
喀頭輩哲布尊丹巴係土謝圖汗親弟云有訢  
盜馬牛無告規林親睦且任恤省刑兼賑貧  
蒙古語乞丐謂規林親游牧常有報盜馬牛者  
及挈獲訊悉為盜之故皆屬顛連無告至有身  
為台吉而迫於饑寒者蓋因各札薩克不知睦  
嫻任恤之道乾隆五十五年行令土謝圖汗車  
臣汗兩部眾札薩克佐領及哲布尊丹巴胡土  
克圖屬下鄂拓克人等著於各游牧詳查窮苦  
無告者酌量移住有牲畜之家役以牧放資以  
衣食其窮苦台吉本札薩克同族即令其收養

綏服紀畧圖詩

五



並以偷盜牲畜治罪條例徧行告示飭令眾佐  
領鄂拓克多為抄錄散給各游牧之十家長每  
月宣讀勸眾自是無告者有養即為盜者日少  
矣於札薩克年終具報情形時一併稽查可冀  
久而瀚海大漠積沙缺水之地居人鑿井而飲  
不廢瀨天賴以生草畜牧謂之瀚海蒙古  
語曰乏甘澍旱戈壁台吉台吉有頭二三四等皆  
戈壁台吉上加札薩克字樣者皆有  
頭等使統轄一旗之眾其無救印者概隸本旗  
札薩克任撫存既克施惻隱遂承  
管束

雨露恩是為真寶鑑誰輕蒙古臣  
乾隆庚戌喀爾喀  
戈壁數旗缺雨向  
例內外札薩克游牧倘遇災荒查其被災輕重  
輕則許該札薩克借俸以撫之重則許奏請以

賑之時正在查辦間據札薩克頭等台吉烏爾  
港札布報稱該旗被旱已將札薩克本年例收  
所屬之牛羊及自畜之牛羊散給屬下窮人其  
不敷者飭令有力之台吉官兵互為賑濟仍率  
所屬虔誠祈雨辦理殊為妥善因即行文被旱  
之數旗札薩克均令照此撫恤辦理活者甚眾  
旋即得雨初不意蒙古札薩克竟能如此是皆  
我聖皇久道化成所致次年該札薩克所屬竟  
事經部議革職蒙聖恩以其善撫所屬竟  
得免議濟眾者獲善報實可為札薩克之寶鑑  
此戈壁數旗札薩克皆隸土謝圖汗部東與徧  
宿尼特游牧連界南與烏喇特等游牧連界徧  
訪巖疆勢小知扼塞頻余在庫倫會兩赴恰克  
圖迤東車臣汗部屬之十四卡倫地多平甸卡  
倫以內駐有庫什固爾兵二百名以資巡防此

綏服紀畧圖詩

去



兵係車臣汗部屬蒙古庫什固爾蒙古語保障  
也由此迤西一帶多山且多叢林僅有恰克圖  
爲通衢大路自恰克圖至庫倫綿亘八百餘里  
一路扼要有色楞格大河東岸聯綿自迤南  
直至袞圖達壩罕其間或有峽溝或有叢樹諸  
多險隘皆屬天然俄薩久沐皇仁可  
信其永遠恭順况各札薩克屬下額兵俱善圍  
獵鎗箭本其所能俄羅斯馬少且無習射者固  
不敢入卽其或入恐不足當沿途一圍耳先年  
準噶爾恃強曾用兵於俄羅斯既入其境不見  
其人遂至額爾口城深入六百餘里仍無一人  
準噶爾素悉俄羅斯狡猾慣示以弱恐其誘之  
深入因卽撤回俄羅斯呼準噶爾爲喀勒瑪克  
至今提及喀勒瑪克如是強悍被天威者至俄  
兵掃滅無不咋舌敢指凜畏  
羅柔奸相傳已久果能仰遵  
聖訓每事

與之開心見誠視爲己人諭之以情理其柔奸  
不難立化余嘗畱心窺其初見時故爲模稜者  
乃其夷性恐爲中國見笑笑殊不知反被笑矣如  
是者切更無欺詐矣至卡倫間有偷盜馬匹等  
事皆由俄羅斯易換是舊例禁止確其布哩雅特  
多由俄羅斯屬原不爲此地設也  
俄羅斯所屬布哩雅特人等與邊內喀爾喀相  
似其游牧在恰克圖邊外迤西間有仿照俄羅  
斯蓋房哈哩雅特鄰哈哩雅特遊牧在布哩雅  
以居者哈哩雅特鄰哈哩雅特遊牧在布哩雅  
梁海東哈木尼罕哈木尼罕與邊內哲布尊丹  
同木尼罕同其游牧在恰克圖屬下打牲之哈  
木尼罕同其游牧在恰克圖屬下打牲之哈  
邊外迤東亦有蓋房以居者連奈瑪爾人爾等  
綏服紀畧圖詩  
十七



接連哈木尼罕與身為羅義役心同蒙古淳以  
邊內巴爾呼同喀爾喀未經內附以前久屬俄羅斯  
四種係在喀爾喀奉黃教亦有與卡倫蒙古相善  
者雖久隸俄羅斯為之防守卡倫其心淳樸多  
類蒙古故每卡皆有俄羅斯數人羈絆戍守蓋  
恐其內 羈縻蘊精與荒服勝來賓

欽哉訓昭明巍乎綏夷民 俄羅斯所屬布哩雅特等  
性雖淳厚然可羈縻而不

宜招致一則定例被此不食逋逃二則伊等眾  
心不齊乾隆已酉年有布哩雅特若干戶意欲  
內附因有俄羅斯羈絆不果來奉有 訓旨  
不宜招致後乾隆癸卯年有四十餘戶俄羅斯  
由科布多投誠前來復奉 訓旨按戶賞給  
口糧好言撫諭飭令回巢仰見 廟謨深遠

寶訓昭明守土者凜遵 矧迺已世服同荷

化育 俄人年一化已久其在京習 國書之十數  
理藩院均派家道殷實者蓋因隨時酌需賞賚  
不致拘泥盡資於官使絕徼荒夷見 天朝  
之闊大而必資於老成練達之員時常訓誨俾  
知講信修睦可謂撫綏得宜百餘年來俄羅斯  
感沐 聖化實 夷俗類西洋渠魁曷紅妝詢  
與各國外 藩無異

諸英哈喇悉其有端詳銅城妄傳述巢穴水中

央 俄羅斯服食房舍與西洋無異其部長女人  
為部長謂之哈屯汗蒙古語哈屯夫人也如男  
地名莫斯克瓦在恰克圖西北約有數千里其  
綏服 紀畧圖詩 大



辦事之大頭目曰色費窩特其薩那忒公解辦  
事頭目曰薩那託爾又有雅固畢哈那喇爾瑪  
約爾哩咭斯塔喇托爾等等頭目皆其官名蓋  
其部頭目多西洋人余在庫倫所悉僅此其何  
故女為部長未知其詳乾隆癸丑大西英咭  
喇國王遣使朝貢事畢余奉命送至海上  
其正貢使名瑪鳴爾呢者曾在俄羅斯住牧三  
載因詢悉現有之哈屯汗本西之乃從前  
哈屯汗之外孫女也其表兄襲汗娶以為妻生  
一子其汗遂沒因幼其妻為哈屯汗所生之  
子今已三十餘歲將來傳之如其子沒即傳子  
婦舊俗如此蓋其地居坎陰勝故耳又俄羅斯  
北鄰空喀爾國最大以銅為城東西門相距若干  
傳空喀爾國最大以銅為城東西門相距若干  
路程疑屬妄誕詢之瑪噶爾呢乃悉空喀爾本  
居海島恃水似有銅城之固云此異域錄傳述

不實之厥地人煙稀厥土少圃場俄羅斯人固  
證也限其額濟勒河一帶冬雖嚴寒夏時頗暖地土  
堪種而俄羅斯怯寒居此者甚少其莫斯科瓦  
一帶氣候雖暖然水多通津濟里克乃烏里雅  
田少故其人惟魚是食蘇台將軍所屬卡倫名東  
蘇台將軍所屬卡倫相接輝邁拉呼疆輝邁拉  
與庫倫屬之卡倫相接爾巴哈台叅贊所屬卡倫名  
爾巴哈台叅贊所屬卡倫相接烏里雅蘇台科布  
東與科布多屬之卡倫相接烏里雅蘇台科布  
多城防而西黑龍江庫倫烏里雅蘇台科布  
四屬卡倫共八十有二科布多屬之極西卡倫  
名曰和尼邁拉呼由二科布多屬之極西卡倫  
至輝邁拉呼雖云一帶卡外均與俄羅斯大河即  
然自津濟里克以外有克木克本齊克及阿勒

綏服紀畧圖詩



坦淖爾烏梁海蒙古游牧塔爾巴哈台卡倫以  
外有哈薩克游牧相隔由此迤北乃通俄羅斯  
其烏梁海等久經歸順每年例交貂皮貢賦烏  
里雅蘇台將軍收齊送京例有官項獎賞其近  
俄羅斯之烏梁海亦與彼交納貂皮相沿既久  
只可羈縻相安耳哈薩克相傳為古大宛亦未  
必然我聖皇御製西師詩註內曾考正其  
誤哈薩克部有三日左曰右曰西自乾隆丁丑  
年陸續投誠蒙 恩錫封汗王傾心感激常  
遣子弟入 覲貢馬其部北與俄羅斯為鄰  
西南與布魯特連界布魯特在伊犁卡倫以外  
直至回疆喀什噶爾一帶皆其族類東西共有  
二十厄拓克皆游牧打牲為食各族有頭目一  
名曰伯克此等伯克由衆人推立其內有從前  
跟隨將軍大臣打仗出力者荷蒙 聖恩賞  
戴頂翎咸知感激亦常貢馬入 覲其地產

馬亦同哈薩克烏里雅蘇台城在三音諾彥部  
駐劄定邊左副將軍總統喀爾喀四部兵馬兼  
理札薩克圖汗三音諾彥兩部事務有叅贊大  
臣二員一用該處藩爵一係由京 簡放協  
理其事四部蒙古藩爵內各有 特授副將  
軍一員每年四季輪流同札薩克台吉前往烏  
里雅蘇台駐班聽候將軍調遣其專管牧廠者  
如不畱心查察設法妥辦則所有倒斃賠補不  
免苦累四部屬下蒙古矣科布多城在札薩克  
圖汗部落西北地近阿勒台山城東北有明噶  
特蒙古游牧西北有數百戶舊厄魯特游牧城  
南有阿勒台烏梁海等游牧阿勒台游牧尚有  
辛卯年安插之土爾扈特蒙古盡屬科布多管  
轄科布多地氣稍暖因有屯田所產穀麥儘足  
食用自津濟里克至和尼邁拉呼一帶二十三  
卡倫由四部札薩克選派台吉章京兵丁分駐

綏服紀畧圖詩



戍守一年一換官給錢糧所有總管卡倫侍衛  
由京派往三年更代科布多城北卡倫以內係  
都爾伯特游牧屬將軍叅贊統轄此等蒙古乃  
厄魯特四衛喇特之一乾隆十九年全部歸誠  
荷蒙 聖恩錫封汗王公札薩克台吉有差  
至今食俸輪班入 覲安享 昇平科布  
多由卡倫西通塔爾巴哈台西南走紅廟大路  
可抵烏魯木齊其塔爾巴哈台一帶卡倫皆輪  
派滿洲及厄魯特兵戍守至伊  
犁所屬卡倫戍守兵役亦然

恩光被四表遐藩歸

聖皇土爾扈特來都爾伯特倡賑乏投牧地

錫爵封汗王 我 聖皇澤及八荒恩被四表西北  
一帶振興黃教故所有蒙古無不傾心

向化歸誠者土爾扈特本係準噶爾四衛喇特  
之一與都爾伯特無異雖遠居俄羅斯地曾遣  
使朝貢輸誠既聞 天兵平定伊犁振興黃  
教復憶都爾伯特歸順久享 昇平不禁仰  
慕傾城率眾內附蓋土爾扈特一部先年因與  
準噶爾不睦遂入俄羅斯居額濟勒游牧傳數  
世至阿玉奇汗伊子察克篤爾札布孫敦噶布  
喇什曾孫乃渥巴錫也渥巴錫於乾隆庚寅年  
明背俄羅斯攜全部由哈薩克戈壁巴勒喀什  
淖爾一帶行八閱月至伊犁敬陳投順之意時  
伊犁將軍諱舒赫德奉 命收撫安戢賑其  
窮乏授以牧地渥巴錫等傾心感激即於辛卯  
年入覲 天顏錫封渥巴錫為汗餘封親王  
郡王貝勒貝子公札薩克台吉有差 聖慮  
深遠一一指示於伊犁東之涇河游牧住貝勒  
一庫爾喀喇烏蘇游牧住郡王一喀喇沙爾游

綏服紀畧圖詩



收住汗渥巴錫及貝勒貝子各一近塔爾巴哈  
台之和博克薩哩游牧住親王一札薩克台吉  
一近科布多之阿勒台游牧住郡王一貝子一  
其食俸輪班入聖皇仁覲一如都爾伯特共樂  
俗昇平我教之無微不至奉命守土者又無  
不仰遵以教之無廟謨撫之教貪饕詭辭支殷勤巧  
計藏防微示誠信懷徠度有方先舒將軍未到之  
伊勒圖聞有土爾扈特之信尚未知其投誠確  
實因一面具奏一面採聽消息時哈薩克等既  
見土爾扈特輜重絡繹未免垂涎遣人謁見伊  
犁將軍稟稱土爾扈特大眾無數此來未知意  
欲何為如用哈薩克兵劫掠情願効力將軍  
笑曰土爾扈特攜衆遠來自係仰慕大皇

帝聖德歸順無疑爾等斷不可藉端劫掠即或  
用兵本將軍現有精兵若干亦不忍勞爾外藩  
然已見爾等効順之心深為嘉悅遂賞肉食緞  
疋遣回時屬員等僉稱土爾扈特來意如何尚  
無確信似可姑從所請備而不用將軍曰爾眾  
殊不深思耶此來之哈薩克爾眾相識乎眾曰  
不識曰吾語爾眾今土爾扈特來自異域素知  
伊犁多兵戍守斷不敢稍萌異志况其內或有  
從前懼罪逃往之徒心存疑二故使哈薩克前  
來探聽消息亦未可知若從所請姑備以兵土  
爾扈特聞知徒生疑懼或致釀成大事所關非  
細無論虛實應先示之誠信以昭懷徠如此則  
土爾扈特雖有異志亦可化現天良保無意外  
之虞而况聖主威德遠播吾意土爾扈特  
傾誠來歸無疑後土爾扈特至果如所言其內  
竟有從前懼罪逃往之舍楞眾乃悅服噫伊將

綏服紀畧圖詩



軍其神乎所言者理也實可為邊臣寶鑑故書  
以自勗舒將軍於癸巳年蒙恩內轉伊將  
軍仍駐伊犁仰承蘇對蘇對見御塔  
訓旨辦理極為鎮靜製詩即哈薩克塔  
什罕塔什罕城回人亦常遣使構釁互兢強誠  
格諭以義羈縻語含香時哈薩克與塔什罕爭  
使謁見伊將軍請兵以討塔什罕公仰遵  
聖旨諭之日塔什罕與爾哈薩克同受大  
皇帝鴻恩久矣且爾哈薩克蒙恩封為汗  
王較塔什罕為優自宜和睦鄰封安靜住牧以  
期永享昇平之福今若以官兵相爾塔什  
罕亦必前來請兵天朝一視同仁既爾  
必應和彼爾試思之如此兩處相兵是我兵與  
我兵相戰有是理乎於是哈薩克凜遵佩服公

遂賞以肉食綴正遣回因即具奏蒙恩優  
獎仰見我聖皇先事教誠周詳誠可謂制  
馭荒夷之法言也霍罕布魯特一如善權量布魯特二  
內有呼達雅爾厄拓克界連霍罕部落霍罕亦  
係回種其從前部長伯克名額爾德尼常遣使  
入貢額爾德尼沒伊子納爾巴圖為伯克仍前  
恭謹入貢伊將軍於此等荒夷無不凜遵  
訓示察核情沒後承爵賜空前勲業揚先是公  
於行宮大門值宿是晚大雨同班者皆避雨  
惟公一人屏門而坐時有旨詢悉公名由  
是伊聖皇知其篤誠忠謹漸次用至將軍公  
在伊聖皇悼惜不已因賜伯爵世襲罔替褒錫  
之優實忠誠之所感今書其事而益欽其人也

綏服紀畧圖詩



昔本荒游牧今為魚米鄉伊犁本準噶爾厄魯特等游牧自天  
兵平定以來奉旨闢墾屯耕收穫豐稔以  
給戍守廩餼伊犁兵共有五隊滿洲索倫錫博  
察哈爾厄魯特各有領隊大臣一員統領外有  
文武各官屯田鎮將弁兵回子及廢員商民遣  
犯又塔爾巴哈台叅贊大臣一員領隊大臣二  
員及官兵夫役無不資於該地米穀而每年所  
產實多盈餘且獵場水草佳而飛走蕃秋間率  
兵較獵既可習勞而多獲禽獸分賞以示獎勵  
洵可稱已凸鼻誠向化西海貢輸將効順臣服請  
沃壤已  
重譯獻駉馬高七尺為駉良田回衆無多其南路各回  
部人煙最廣一皆久沐恩澤有耕有織無  
異內地其輸將賦納從無缺欠卽卡倫以外之

布魯特安集延拔達克山愛烏罕沙莽蘇爾各  
部回衆亦無不仰慕聖化安心住牧或入  
覲貢馬或輸金納賦且拔達克山汗素爾  
坦沙會獻逆回霍集占首級遂以全部納款稱  
臣至為効順而愛烏罕伯克以高至七尺之馬  
入貢尤為恭謹是澤及西海可謂八表同  
風矣若夫重譯向化情形我聖皇御製詩  
集記載甚詳方畧更屬悉備謹述萬一引以為  
疆域津梁

欽差分職守經營法度彰屯田無廢壞倉儲有餘糧  
回部各城俱有欽差駐劄咸承訓旨  
因地制宜分理其事新疆西南極邊與布魯特  
連界之喀什噶爾回城駐叅贊大臣一員協辦  
大臣一員總理南路大小回城事務仍屬伊犁

綏服紀畧圖詩



將軍統轄喀什噶爾以內有英吉沙爾回城駐劄辦事大臣一員喀什噶爾東南相距十數站有葉爾羌回城駐劄正副辦事大臣二員此城迤北約四五站有和闐回城亦駐正副辦事大臣二員近和闐尚有伊立齊哈喇哈什玉璫哈什齊拉塔克克哩雅等五小城皆有伯克分管回衆葉爾羌東北相距十數站有烏什回城此城迤東有阿克蘇又東有庫車又東有喀喇沙爾又東有吐魯番每城各駐辦事大臣一員又迤東哈密回城駐有辦事大臣二員其喀喇沙爾有土爾扈特汗等游牧吐魯番城旁尚有闕瞻回城以上各部回衆有近城住牧者有離城稍遠之地住牧者各處皆有奏放之大小伯克分管悉皆恭順其應納錢糧照例由阿奇木伯克收齊交納惟恐伯克等苦累回民是以各大臣無不仰遵訓旨示以潔已訓以奉公以

身化導撫安回衆其哈密郡王以及各城伯克皆輪班入覲永爲定制統計路程由哈密至喀什噶爾共七十餘大站由嘉峪關至哈密十有八站此新疆南路之大概情形也曰南路者蓋因喀什噶爾一帶與伊犁烏魯木齊中有崑都崙額林哈畢爾罕穆蘇爾達壩罕等冰山雪嶺相隔之故蒙古語橫曰崑都崙此山橫在伊犁回疆之間古所謂崑崙者蓋指崑都崙而言蒙古語仗人謂額林叻謂哈畢爾罕蓋指山叻如人叻爲名又蒙古語冰謂穆蘇爾達壩謂達巴罕此一帶即天山蔥嶺是也山巔平陸多產野蔥是謂蔥嶺伊犁在大山西北故謂之西路由伊犁前赴南路必經穆蘇爾達壩罕冰山乃至阿克蘇路通台站或由伊犁東繞吐魯番前赴南路亦通驛傳此外雖有近路非地處巖險即多係戈壁無水草之地惟伊犁西南經布魯特綏服紀畧圖詩



游牧至喀什噶爾約三千里中有特穆爾圖淖爾巴爾渾山帖哩業克達巴罕入卡倫乃至喀什噶爾一路雖有天險然水草頗佳每隔一二年由伊犁例派領隊大臣率領官兵查閱邊界俱經此地此新疆西南兩路相通之大概情形也伊犁東北塔爾巴哈台亦為極邊距伊犁約千五百餘里有城駐叅贊大臣一領隊大臣二官兵係由伊犁派往輪年換防並有綠營屯田又伊犁東有庫爾喀喇烏蘇城駐領隊大臣一又東至烏魯木齊駐劄都統一領隊大臣一提督一分領滿漢官兵所屬道府州各一縣五烏魯木齊迤東有古城巴里坤二城各駐領隊大臣一其古城駐有總兵一巴里坤迤東即至哈密統計由伊犁至哈密亦有七十餘大站烏魯木齊地土久經闢墾提督統率綠營弁兵屯耕每年收成亦多豐稔伊犁烏魯木齊均有內地

百姓開荒耕作陞科盡如土著是新疆屯種不但足食各處倉有餘儲又有按例官與布帛由哈薩克易換之馬牛羊隻儘足各城應用此西路一帶大概情形也誠可謂衣食足矣生齒蕃矣守土者又無不凜遵 聖訓躬自率以儉素教兵民以淳樸知恥撫蒙回以懷德修睦育之正之無稍忽懈是 西域樂 新疆固為萬年樂土

### 昇平萬載賴

### 乾綱

先是準噶爾強悍常騷擾回部有回酋和卓木被準噶爾迫脅拘繫以回民分隸屬下役使苦累後大兵西伐和卓木獻款輸誠備極恭順因縱還故土和卓木辜 恩旋萌叛逆及誅西域乃安實賴我 聖皇神武獨斷既平準噶爾遂擒和卓木自是回眾永享 昇平

### 綏服紀畧圖詩



再造烏斯享平康	陽布今廓爾喀巢穴在前藏西三	千餘里乾隆辛亥年廓爾喀與唐	古忒構衅擾至後藏札什倫布仰賴	天威	遣將統兵深入其境屢戰屢捷已至堆補木地	方將近陽布廓爾喀全部膽落悔罪哀懇乞命	我	聖皇好生恩施宥過准其納款投誠是				
地方亦疆	陽布荷	通新	擾藏經此由阿哩邊隘而入拉達克汗本奉佛	與唐古忒素好前藏迤北青海之西有差達木	行四	日難行凡貿易者皆冬月販運從前準噶爾	人民常與葉爾羌回部阿哩本近拉達克汗部該部	方通	集占	木卽霍	近考山川脉招通葉爾羌	西藏之西北

廓爾喀復生唐古忒樂業皆賴	鴻慈怙恃	所致也今詢之輿情陽布木巴勒布地從前巴	勒布有三汗一曰庫庫木一曰葉楞一曰布彥	其廓爾喀原係巴勒布所屬一小頭目即如唐	古忒世家之類其本巢在陽布西南相距七日	路後因巴勒布三汗彼此不睦屬下怯懦由是	廓爾喀乘勢佔據陽布已二十餘年然察其俗	尚以及闔部情形恐非久荷	天庥者蓋聞	其俗該王如染毒疾密派兵役深夜四出盜斬	人頭若干顆供獻護法以為祈禳之術是何凶	暴耶此雖未必盡然其估據陽布不為不久	而巴勒布百姓心未誠服且伊數年前新佔之	哲孟雄作木朗洛敏湯三部人衆心尤不甘其	每逢收取錢糧俱派頭目帶兵往索斷非悠久	之道又常與甲噶爾屬之那布巴頭目爭兵不	戢聞甲噶爾第里巴父等部較比廓爾喀兵多	綏服紀畧圖詩
--------------	------	--------------------	--------------------	--------------------	--------------------	--------------------	--------------------	-------------	-------	--------------------	--------------------	-------------------	--------------------	--------------------	--------------------	--------------------	--------------------	--------



勢大况廓爾喀本部之人不過數千而如此貪  
暴性成適以自取速敗其後或有善撫者出委  
曲駕馭所屬巴勒布等庶免暴亡耳但於此等  
徼外荒夷惟應凜遵訓旨隨時羈縻俾知  
感畏而已至伊等與外隣有何事故尤應置之  
不問癸丑孟春廓爾喀貢使噶箕第烏達特塔  
巴在京會稟請倘有外隣欺凌伊部者可否仰  
懇 天恩發兵拯救經軍機大臣具 奏荷  
蒙 聖明指示即如伊將軍遵 旨駁飭  
哈薩克請兵之條曉諭該貢使深已佩服將來  
如其力乏設有稟訴或請幫兵應即遵 旨  
如前諭駁並開導使知和睦隣封之利則彼必  
遵奉或其窮蹙已極意以既係 天朝屬國  
應即發兵拯救頻來乞請儘可諭之 天朝無異乃  
三汗先年亦曾納款入貢與爾等今日無異乃  
巴勒布不能自樹被爾吞并時 天朝并未

發兵問爾之罪是現在爾部之事亦與巴勒布  
同况爾投順以來仰蒙 天恩大皇帝覆育生成  
每降 敕書訓以和睦隣封以諄諄教誡爾等  
不知凜遵 天語妄行構衅以致如此且兵  
本凶器不得已而乃用 天朝所屬外藩眾  
多無不仰遵 敕諭與隣封 講信修睦爾等  
現已違悖 敕訓若據實入奏必致爾等得  
罪應即悔過與彼修好仍前和睦患可立解矣  
如此駁飭伊或以從前會為唐古忒用兵於彼  
為詞仍乞拯救便諭之以藏地久設駐劄大臣  
凡有駐劄大臣處所遇事例應遣將統兵辦理  
其無 欽差之地向不發兵爾部並無駐劄  
大臣其巴勒布等設以舊會納款為辭有所懇請則  
其巴勒布等設以舊會納款為辭有所懇請則  
於爾等尤為不便爾宜自責竭力議和不可恃  
強爭勝再從前哲孟雄作木朗等部曾以爾等  
綏服紀畧圖詩



侵佔彼之人戶地土來求唐古忒幫兵唐古忒  
稟遵定制並未遣兵拯救卽此一節爾等尤應  
感激唐古忒也如此反覆曉諭遣回卽行具奏  
請旨定蒙 聖明指示更得有所遵循  
此蓋備而不用 左通哲孟雄右達落敏湯  
者書以自易耳 朗落敏湯等部近在哲孟雄迤  
巡邊自前藏西南行經曲水過巴則江孜轉西  
共十日至後藏班禪額爾德尼所居札什倫布  
塘協噶爾過定日通拉大山十一日至聶拉木  
此爲藏地西路極邊隘口外通廓爾喀五日可  
抵陽布由聶拉木旋行一站轉之西北經過伯  
孜草地鞏塘拉大山瓊噶爾寺復西南轉出宗  
喀走衮達卓黨七日可抵陽布余至濟隴極邊隘  
口外通廓爾喀十日可抵陽布

詢悉情形乃知哲孟雄部本居藏地迤西大路  
之左而作木朗落敏湯本居西路極邊濟隴之  
前一左一右遠隔千有餘里蓋舊載多訛如云  
前藏東南工部江達產稻亦屬訛傳藏地所需  
稻米出自布魯克巴哲孟雄部在江孜南帕克  
哩邊外東接布魯克巴西接廓爾喀其部地土  
人戶大半已被廓爾喀佔情形已詳紀行詩  
落敏湯本作木朗屬之小部落人戶僅千餘  
在濟隴卓黨雪山西北作木朗又在落敏湯之  
西作木朗既被廓爾喀佔僅存頭目蘇班色  
父子屬下人數無多故落敏湯遂屬廓爾喀與  
之納賦矣由落敏湯東南行半月餘乃至陽布  
山路崎嶇落敏湯雖與濟隴爲隣雪山阻隔無  
路其部近通宗喀故常來藏朝佛與唐古忒向  
有結親者其人尊崇黃教該部長旺傑多爾濟  
之次子係喇嘛現住薩迦廟學經似此邊外荒  
綏服紀畧圖詩



夷既常來藏朝拜達賴班禪宜厚往薄來固結  
其心庶可為邊地保障否則恐為他人嚮導耳  
緣哲孟雄作木朗落敏湯三部雖畏廓爾喀而  
眾心憤憤並未誠服也夫弱者仁之助也強者  
怨之歸也廓爾喀恃強凌弱曷其不自量而且  
不自鑒耶蓋羈縻之道得其情則易於駕馭故  
采而吐番即青海魚通乃瀘江教今神道設治  
書焉  
今循舊章吐番者是也所謂魚通者乃今之瀘  
江即打箭爐是也青海游牧有和碩特蒙古固  
什汗之後裔二十旗札薩克又有厄魯特九旗  
羅斯舊土爾扈特及察罕諾們汗喇嘛共九旗  
札薩克是為三十旗固什汗即國朝崇德七  
年同達賴喇嘛班禪額爾德尼遣使恭進丹書  
克者是也由青海至前藏路程僅兩月蓋明末

綏服紀畧圖詩

時固什汗常居藏地故同達賴班禪遣使入貢  
固什汗本青海蒙古彼時因後藏之藏巴第巴  
不敬班禪又不尊奉達賴喇嘛謀為不軌固什  
汗率兵來藏誅滅藏巴第巴由是久居藏地後  
回青海屬其子達彥在藏為汗傳之孫達賴汗  
曾孫拉藏汗時準噶爾策旺阿喇布坦生僻遣  
其齋桑策凌敦多布領兵至藏戕害拉藏汗前  
此六輩達賴喇嘛業已圓寂呼畢勒罕出於裏  
塘生二歲青海蒙古迎至西寧呼畢勒罕出於裏  
嘛乃六盟四部及青海各蒙古世所欽奉康熙  
五十九年欽命撫遠大將軍王統帥六  
師同平逆將軍諱延信由西寧帶達賴喇嘛呼  
畢勒罕出口進征底定西藏以呼畢勒罕坐牀  
於布達拉所有勞績之唐古忒康濟鼐號德親  
德彼時著有勞績之唐古忒康濟鼐號德親  
圖魯係拉藏汗之婿奉



噶布倫阿爾布巴等辦理藏務雍正五年阿爾  
布巴等謀害貝勒康濟鼐有唐古忒台吉頗羅  
鼐者由後藏糾眾擒阿爾布巴等恭候大兵至  
藏誅之藏地復安因頗羅鼐有功屢封郡王及  
卒其次子朱爾墨特那木札勒襲封於乾隆十  
五年謀逆伏誅奉旨除西藏王爵凡衛藏  
事務一由駐藏大臣與達賴班禪相協裁決於  
是藏地綏定昔固什汗既安藏地遂同達賴班  
禪遣使入貢可謂傾誠向化而有功於西藏者  
矣雍正元年固什汗後裔察罕丹津與厄魯特  
羅布藏丹津不睦因而羅布藏丹津誘青海屬  
之各族番眾搶掠察罕丹津游牧後經大兵平  
定乃查明各族番眾不令蒙古管轄於雍正九  
年量其游牧遠近西寧大臣分管四十族西藏  
大臣分管三十九族由是各族按其人數多寡  
分別設有千戶百戶百長領有號紙分管咸知

安分三十九族在前藏東北一帶由藏至爐之  
東大路拉里邊壩碩板多迤北皆其游牧碩板  
多迤東地名落隆宗即喀木又名察木多乃帕克  
所又東地名曰康即喀木又名察木多乃帕克  
巴拉呼圖克圖住錫之地有大廟番眾皆呼圖  
克圖所屬勢同達賴班禪相傳為三藏之一迤  
東乍了大小兩呼圖喇嘛所屬江卡西北有觀  
江卡番眾為達賴喇嘛所屬江卡西北有觀  
番眾亦隸前藏江卡西南有三安壩番眾此一  
帶夾壩出沒無常然往還官差如無私帶商民  
貨物而途間無劫掠之虞至三日賞給茶葉糶  
足其食斷無劫掠之虞至三日賞給茶葉糶  
哨欲掠商客者一見其來或恐怖失措而藏避  
則馱隻即被其趕去矣果遇見時詢其來何所  
為伊必云護看馱隻遂用好言獎勵稍賞煙茶  
即歡然少前護送便去官差遇者亦應如此是

綏服紀畧圖詩



則永無劫掠耳江卡南通雲南東接巴裏二塘  
此兩處各有正副土司又東至打箭爐有明正  
司即前代之西魚通寧遠軍是也北接木坪土  
司西北通德爾格及郭羅克番子皆隸四川統  
轄郭羅克頭目亦領有號紙約束其眾其游牧  
與青海王那罕達爾濟等游牧連界從前郭羅  
克肆掠出沒無常青海蒙古實患之其人僅千  
餘戶緣地少出產如遇牲畜被災不能度日便  
出掠以爲食後經嚴行懲治乃安青海有札木  
揚呼圖克圖郭羅克尚知敬服西寧所屬有歸  
德循化番眾雖亦強悍惟在撫之得宜從前有  
一巡檢在彼數年教之撫之番眾無不敬服云  
察木多迤南有拉多土司路通雲南察木多東  
北界連德爾格部落其部除正土司外尚有小  
頭目百餘名分管其部人儘可以心服而不必以  
強悍然余曾親見其人儘可以心服而不必以

綏服

紀畧圖詩

巴塘類烏齊等處番眾雖皆崇奉達賴班禪而

是云蓋敬薩迦者非獨德爾格即打箭爐裏塘

威力制其部原有紅教喇嘛名曰色多呼圖克  
圖眾咸欽服而其部眾最敬者札什倫布迤西  
之薩迦呼圖克圖相傳宗喀巴爲黃教之祖生  
自西寧而學經於薩迦廟乃明永樂時有喇  
嘛余巡邊會見薩迦呼圖克圖詢悉伊之經典  
一如黃教惟講解稍有不同廟內舊貯經卷最  
多所有僧眾亦同黃教並無家眷惟薩迦呼圖  
克圖有妻室除朔望相見外卽不通問乃爲生  
子襲衣鉢計已傳二三百餘世元朝之帕斯巴喇  
嘛卽薩迦云詢其紅教之所以據云所有經典  
皆始自甲噶爾卽大西天大西天有巴特瑪薩  
木巴瓦者相傳爲紅教之祖生於唐時曾來藏  
地傳教其經與黃教無異惟咒有同兼尚法  
術此說復印證於達賴班禪濟隴第穆等一如  
是云蓋敬薩迦者非獨德爾格即打箭爐裏塘  
巴塘類烏齊等處番眾雖皆崇奉達賴班禪而



皇清誠一統

心信薩迦者多至青海蒙古番衆無不崇奉黃  
教其敬薩迦亦如達賴班禪乃知薩迦實非紅  
迦乾隆五十四年駐藏大臣諱舒濂曾查明薩  
迦本同黃教情形據實奏蒙 聖鑒余密訪  
紅教亦未聞有何法術僅供奉巴特瑪薩木巴  
瓦虔誦護法經咒而已蓋法術之說本屬妄誕  
黃教真經既著紅教邪術自息緣神道設教似  
此番夷固可因其俗尚而羈縻之所謂即以八  
人之道還治其人之身乃我 聖皇統御八  
荒之大經大權也守土者仰承 訓旨提其  
綱而絜其要撫之教之常以同胞物與爲念可  
期萬載相安耳若漢之任尚性嚴急而弗聽定  
遠之言以致債事 漢唐迄於明邊計何足臧  
當爲守邊者誠

聖德並堯光

綏服紀畧圖詩







